

Namo tassa bhagavato arahato sammāsambuddhassa

Vuttodayaṃ

1. Saññāparibhāsāniddesa-paṭhamapariccheda

Ratanattayappaṇāma

1. Nama'tthu jana santāna, tama santāna bhedino;
Dhammu'jjalanta rucino, munindo'dāta rocino.

Nimitta

2. Piṅgalā'cariyādīhi, chandaṃ ya muditaṃ purā;
Suddhamāgadhikānaṃ taṃ, na sādheti yathicchitaṃ [ya'dicchitaṃ yati'cchitaṃ (ka.)].

Ganthaparimāṇa

3. Tato māgadhabhāsāya, mattā,vaṇṇa,vibhedanaṃ;
Lakkhya lakkhaṇa saṃyuttaṃ, pasanna'ttha,pada,kkamaṃ.

Abhidhānādi

4. Idaṃ **vuttodayaṃ** nāma, lokiya'cchandanissitaṃ;
Ārabhissa'mahaṃ dāni, tesam sukhavibuddhiyā.

Gaṇasaṅketasaññā

5. Sabbaglā mnā,'digalahū, **bhyā'**,majjha'nta garū **jasā**;
Majjha'ntalā **ra,te'**te'tṭha, gaṇā go garu,lo lahu.

Gaṇaniyama

6. Bha,ja,sā sabbaga,lahū, pañci'me saṅghitā gaṇā;
Ariyādimhi viññeyyā, gaṇo idha catu'kkalo.

Garu,lahusarūpa

7. Saṃyogā'di ca, dīgho ca, niggahītaparo ca, yo;
Garu, vaṅko, pādanto,vā, rasso'ñño mattiko **lu'**ju.
8. Pare pādādisaṃyoge, yo pubbo garuka'kkharo;
Lahu sa kvaci viññeyyo, tadudāharaṇaṃ yathā.
9. Dassanarasā'nubhāvane, nibaddhagedhā jinassa'yaṃ janatā;
Vimhayajananī saññata, **kriyā** nu kaṃ nā'nurañjayati.
10. Viññeyyā lokato saññā, **samuddo,su,rasā**dinaṃ;
Pādoñeyyo catutthaṃ'so, padacchedo **yati** bhava.
11. **Sama,maḍḍhasamaṃ**, vuttaṃ, **visamaṃ** cā'paraṃ tidhā;
Samā lakkhaṇato pādā, cattāro yassa taṃ **samaṃ**.

12. Yassa'ntimena dutiyo, tatiyenā'dimo samo;
Ta'**daddhasama, maññaṃ** tu, bhinna lakkhaṇa pādikaṃ.
13. Pāda'mekakkharā'rabbha, yāva chabbīsata'kkharā;
Bhave pādehi taṃ chandaṃ, nānānāmo'ditaṃ tato.
14. **Daṇḍakā** caṇḍavuṭṭhyā'di, pādehi chahi, tīhi tu;
'**Gāthā**'ti ca paratthe'vaṃ, chando saññā pakāsītā.
15. Anantaro'ditaṃ ca'ñña, metaṃ sāmāñña nāmato;
'**Gāthā**'icceva niddiṭṭhaṃ, munindavacane pana.
16. Visesanāmato kiñci, gahetvā sabbatho'citaṃ;
Dassayissāma'haṃ te'ttha, nāmānā'vi bhavissare.

Iti vuttodaye chandasi saññāparibhāsā niddeso nāma

Paṭhamo paricchedo.

2. Mattāvuttiniddesa-dutiya-pariccheda

Gaṇaniyama

17. Chaṭṭho'khilalahu,jo vā,
Gayutā'ññe,cha'ggaṇā,na jo visame,;
Ariyāya'ntaḍḍhe lo, chaṭṭho,'nte go,gaṇā cha'ññe.

Yatiniyama

18. Paṭhamaḍḍhe chaṭṭho ce,
Sabbalahe,'tthā'dilahuni bhavatiyati;
Tapparako,ntepi, sace, carimepi, bhavati catuttho'nte.
19. **Ariyāsāmaññaṃ** ce, pubbo'dita lakkhaṇaṃ bhava yassā.
20. Ādima'matha pādayugaṃ, yassā tyam'sehi sā **pathyā**.
21. Yattha gaṇattaya mullaṅghi,
Yo'bhayatthā'dimo bhava **vipulā**.
22. Garumajjhago jakāro, catutthako dutiyako **capalā**.
23. Capalā'gatā'khilaṃ ce, dalā'dimaṃ lakkhaṇaṃ bhajati yassā;
Pathyālakkaṇa'maññaṃ, **mukhacapalā** nāma sā bhavati.
24. Pathyāya lakkhaṇaṃ ce, paṭhamaḍḍhe lakkhaṇaṃ tu capalāya;
Dutiye dale'tha yassā, pakittitā sā **jaghanacapalā**.

Ariyājātiyo.

25. Sabbapaṭhamadale yadi, lakkhaṇa'mariyāya vutta'mubhayesu;
Yassā dalesu yuttaṃ,
Vuttā sā **gīti** vutta yati lalitā.

26. Ariyāyaṃ dutiya'ḍḍhe, gaditā'khilalakkhaṇaṃ yaṃ taṃ;
Bhavati dalesu'bhayesupi,
Yadi yassā sā'ya **mupagīti**.
27. Ariyāya'ḍḍhadvitayaṃ, pubbodita lakkhaṇo'petam;
Vipariyayenā'bhihitam,
Yassā sambhavati ce'ha so'**ggīti**.
28. Ariyāpubba'ḍḍham yadi, garune'kenā'dhikena nidhane yuttam;
Yadi pubba'ḍḍhasamānaṃ, dala mitaraṃ co'ditā'ya'**mariyāgīti**.

Gītijātiyo.

29. Visame cha siyuṃ kalā mukhe,
Same tva'ṭṭha, ra,la,gā, tato'pari;
Vetāliyaṃ ta muccate, lahu chakkaṃ na nirantaraṃ same.
30. Vetāliyopamaṃ mukhe taṃ,
Opacchandasakaṃ ra,yā ya'dante.
31. **Āpātalikā** kathitā'yaṃ, bhagagā'nte yadi pubbamiva'ññaṃ.
32. Yadā'dito **dakkhiṇantikā**,
Ṭhite'ttha pādesvā'khilesu jo.
33. '**Udiccavutti**'ti vuccate,
Jo cā'do visamesu saṅghito.
34. Pubbattha, samesu ce ga, jā, '**paccavutti**' ruditā'ti saṅghitā.
35. Samāsamā'trā'dinaṃ samā,
Saṃyutā bhavati taṃ **pavattakaṃ**.
36. Assa sā sama katā' **parantikā**.
37. Tada'ññajā **cāruhāsini**.

Vetāliyajātiyo.

38. Dvika vihata vasu lahu **acaladhiti** ri'ha.
39. **Mattāsamakam** navamo lga'nte.
40. Jo nlā' thavā'ṇṇavā **visiloko**.
41. Tadvayato **vānavāsikā**'khyā.
42. Pañca,ṭṭha,navasu yadi lo **citrā**.
43. Ga,lyā'ṭṭhahi ce'sā vu'**pacitrā**.
44. Ya'matīta lakkhaṇa visesa yutaṃ, (citrā)
Mattā samā'di pādā'bhihitam; (Visiloka)
Aniyata vutta parimāṇa sahitam, (vānavāsikā)

Pathitaṃ janesu **pādākulakaṃ**. (visiloka)

Mattāsamaka jātiyo.

45. Vinā vaṇṇehi mattā gā, vinā vaṇṇā garūhi tu;
Vinā lahūhi garavo, dale pathyādino matā.

Iti vuttodaye chandasi mattāvuttiniddeso nāma

Dutiyo paricchedo.

3. Samavuttiniddesa-tatiyapariccheda

46. Tyā' ce **tanumajjhā**.

Gāyattī.

47. **Kumāra lalitā** jsgā.

Uṇhikā.

48. **Citrapadā** yadi bhā gā.

49. Mo mo go go **vijjummālā**.

50. Bhā ta, la, gā **māṇavakaṃ**.

51. Glā **samānikā** ra,jā ca.

52. **Pamāṇikā** ja, rā la, gā.

Anuṭṭhubhā.

53. Rā na,sā yadi **halamukhī**.

54. **Bhujaga susu saṭā** nā mo.

Brahatī.

55. Msājgā **suddhavirājitaṃ** mataṃ.

56. Mnā yo go yadi **paṇavo** khyāto.

57. Mbhā sa,gayuttā **rummavatī** sā.

58. Ñeyyā **mattā** ma, bha, sa, gayuttā.

59. **Campakamālā** ce bha, ma, sā go [idaṃ nāmantarañāpanatthameva puna vuttaṃ (ṭī.)].

60. Na, ra, ja, gehi sā **manoramā**.

61. **Ubbhāsakaṃ** taṃ ce to ma, rā lca.

62. To jā garunā'ya' **mupaṭṭhitā**.

Panti.

63. **Indādikā** tā **vajirā** ja, gā go.

64. **Upādikā** sā'va ja,tā ja,gā go.

65. Anantaro' dīrita lakkhaṇā ce, (upendavajira)
Pādā vimissā **upajātiyo** tā; (Indavajira)
Evaṃ kila'ññāsupi missitāsu, (indavajira)
Vadanti jātisvida' meva nāmaṃ. (upendavajira)

66. Na, ja, ja, la, gā gaditā **sumukhī**.

67. **Dodhaka** micchati ce bha,bha,bhā gā.

68. Veda,ssehi,dhtā tgagā,**sālinī** sā.

69. **Vātommi** sā, yati sā mbhā ta, gā go.

70. Bhā ta, na, gā go'su, rasa **sirī** sā.

71. Ro na, rā iha **rathodhatā** la, gā.

72. **Svāgate**'ti ra, na, bhā garukā dve.

73. Na,na,ra,lahu,garūhi **bhaddikā**.

Tiṭṭhubhā.

74. Vadanti **vamsaṭṭhami**'daṃ ja, tā ja, rā.

75. Sā **indavaṃsā** khalu yattha tā ja,rā.

76. Idha **toṭaka** mambudhi,sehi mitaṃ.

77. **Dutavilambita** māha na, bhā bha,rā.

78. Vasu yuga viratī nā,myā' **puṭo**'yaṃ.

79. Na, ya, sahitā nyā' **kusumavicittā**.

80. **Bhujāṅga**'ppayātaṃ bhava veda, yehi.

81. Na, bha, ja, rehi bhavati' **ppiyaṃvadā**.

82. Vuttā sudhīhi **lalitā** ta, bhā ja, rā.

83. **Pamitakkharā** sa, ja, sa,sehu' ditā.

84. Na,na,bha,ra,sahitā' bhihitu' **jjalā**.

85. Pañca'ssa'cchinnā, **vessadevī** ma,mā yā.

86. Bhavati hi **tāmarasaṃ** na, ja, jā yo.

87. '**Kamalā**'ti ñeyyā sa,ya,sehi yo ce.

Jagatī.

88. Mnā jrā go, tidasayati' **ppahassiṇī** sā.

89. Catu,ggāhe,hi'ha **rucirā**, ja,bhā sja,gā.

Atijagatī.

90. Na,na,ra,sa,lahu,gā,sarehi' **parājītā**.

91. Na,na,bha,na,la,gi'ti, **ppaharaṇakalikā**.

92. Vuttā **vasantatilakā** ta,bha,jā ja,gā go.

Sakkarī.

93. Dvihata haya lahu ra'tha gi'ti **sasikalā**.

94. Vasu,haya,yati ri'ha, **maṇiguṇanikaro**.

95. Na,na,ma,ya,ya,yutā'yam, **mālinī** bhogi'sīhi.

96. Bhavati na,jā,bha,jā rasahitā **pabhaddakaṃ**.

Atisakkarī.

97. Na,ja,bha,ja,rā sadā bhavati **vāṇinī** ga, yuttā.

Aṭṭhi.

98. Ya, mā no so bhalgā, rasa, haravirāmā **sikharaṇī**.

99. Rasa, yugi, sito, no so mrā slā, gya'dā **hariṇī** tadā.

100. **Mandakkantā**, ma,bha,na,ta,ta,gā, go yugu,tva,ssakehi.

Accaṭṭhi.

101. Mo to no yo yā, **kusumitalatā, vellitā'** kkhu,tvi,sīhi.

Dhuti.

102. Rasu,tva,ssehi ymā, na,sa,ra,ra,garū, **meghavipphujjitā** sā.

103. Akkassehi yati msa,jāsa,ta,ta,gā, **saddūlavikkīlitam**.

Atidhuti.

104. **Vutta** mīdisaṃ tu nāmato ra,jā ra,jā ra,jā garū,lahū ca.

Kati.

105. Mrā bhñā yo yo'tra yena,tti,muni, yatiyutā, **sandharā** kittitā'yam.

Pakati.

106. O na,ra,nā ra,nā ca tha garū dasa,kka,viramañhi **bhaddaka**'midam.

Ākati.

Iti vuttodaye chandasi samavuttiniddeso nāma

Tatiyo paricchedo.

4. Aḍḍhasamavuttiniddesa-catutthapariçcheda

107. Visame yadi sā sa,la,gā same,
Bha,ttayato garukā vu'**pacittam**.

108. Bha,ttayato yadi gā **dutamajjhā**;
Yadi punare'va bhavanti na, jā **jjā**.

109. Yadi sa,ttitayam garuyuttam,
Vegavatī yadi bha,ttitayā gā.

110. To jo visame rato garū ce;
Smā jgā **bhaddavirāja** mettha go ce.

111. Visame sa, jā sa,garu,yuttā;
Ketumatī same bha,ra,na,gā go.

112. **Ākhyānakī** tā visame ja, gā go; (Indavajira)
Ja,tā ja,gā go tu same'tha pāde. (upendavajira)

113. Ja,tā ja,gā go visame same tu; (Upendavajira)
Tā jo ga,gā ce **viparītapubbā**. (indavajira)

114. Sa,sa,to sa,la,gā visame same;
Na,bha,bha,rā bhavate **hariṇaplutā**.

115. Yadi na,na,ra,la,gā na,jā ja,rā,
Yadi ca tadā'**paravatta** micchati.

116. Visama mupagatā na,nā ra,yā ce;
Na,ja,ja,ra,gā samake ca **pupphitagā**.

Dvayam midam **vetāliya**'ppabhedo.

117. Sā **yavādikā matī** ra,jā ra,jā tva,
Same same ja,rā ja,rā garū bhavayyūm.

Iti vuttodaye chandasi aḍḍhasamavuttiniddeso nāma

Catuttho paricchedo.

5. Visamavuttiniddesa-pañcamapariccheda

118. Na'ṭṭhakkharesu pādesu, snā'dimhā yo'ṇṇavā **vattam**.
119. Samesu sindhuto jena, **pathyāvattam** pakittitam.
120. Ojesu jena sindhuto, ta'meva **vīparītā'di**.
121. Na,kāro ce jaladhito, **capalāvatta'micce'tam**.
122. Same lo sattamo yassā, **vipulā** piṅgalassa sā.
123. **Setavassā'**khilesupi.
124. Bhena'ṇṇavā **bha'bbipulā**.
125. Eva'**maññā ro** catutthā.
126. No'ṇṇavā ce **navipulā**.
127. To'ṇṇavā tathā'**ññā** siyā.

Vatta'ppabhedo.

128. Nadissate'ttha yaṃ chandaṃ, payoge dissate yadi;
Visama'kkharapādaṃ taṃ, **gāthā** sāmaññanāmato.

Iti vuttodaye chandasi visamavutti niddeso nāma

Pañcamo paricchedo.

6. Chappaccayavibhāga-chaṭṭhapariccheda

Patthāranaya

129. Patthāre sabbage pāde, pubbagā'dho lpa're samā;
Pubbe garu te ca mime, kattabbā yāva sabbalā.

Naṭṭhanaya

130. Naṭṭhassa yo bhavye'ya'ṅko, tasmim lo'ddhikate same;
Visame tve'kasahite, bhavye'ya'ddhikate garu.

Uddiṭṭhanaya

131. Ekā'dinukkamena'ṅke, pubbādho dviḅuṅe likhe;
Missakehi lahuṭṭhehi, se'kehu'ddiṭṭhakaṃ bhava.

Sabbagalakriyanaya

132. Vutta'kkhara samā saṅkhyā, likkhya seko'parū'pari;

Ekekahīna mekādi, nu'tṭhāne sabbagādikaṃ.

Vuttasaṅkhyānaya

133. Garukriyā'nka sandohe, bhava saṅkhyā vimissite;
Uddiṭṭha'nka samāhāro, se'ko ve'maṃ samā'naye.

Vuttaaddhānaya

134. Saṅkhyeva dviguṇe'kūnā, vitthārā'yāmasambhavā;
Vuttassa'ddha'ntarānañca, garulānañca aṅgulaṃ.

Iti vuttodaye chandasi chappaccayavibhāgo nāma

Chaṭṭho paricchedo.

Nigamana

135. Sela'ntarā'yatana vāsika **sīla**'tthera,
Pādo garu gguṇagaru jjayatam mame'so;
Yassa ppabhāva'mavalamba maye'disopi,
Sampādito'bhimata siddhikaro parattho.
136. Parattha sampādanato, puññenā'dhigatena'ham;
Parattha sampādanako, bhavyeyyam jāti jātiyam.
137. Avalokita mattena, yathā chappaccayā mayā;
Sādhitā sādhayante'va, micchitatthampi pāṇinoti.

Iti saṅgharakkhitamahāsāmittherena viracitam

Vuttodayappakaraṇam pariniṭṭhitam.